

Ca 1225

« La bataille des vins »

Connu aussi sous le titre de Dit des vins de France, ce poème composé peu après 1224, en 204 vers, constitue un inappréciable témoignage sur le vignoble français du XIIIe siècle.

VOLEZ oïr une grant fable
Qu'il avint l'autrier fus la table
Au bon roi qui ot non Phelippe,
Qui volentiers moilloit fa pipe
Du bon vin qui estoit du blanc.
Il le fenti gentil & franc,
Si le clamoit fon ameor.
Por le bien & por la douçor
Que li vins avoit dedenz foi,
Li rois en but sanz avoir foi.
Li rois qui eft cortois & fages
Manda a treftoz fes meffages
Qu'il alaiffent le meillor querfe
Qu'il trovaiffent en nule terre.
Premiers manda le vin de Cypre,
Ce n'estoit pas cervoife d'Ypre,
Vin d'Auffai & de la Mouffele,
Vin d'Auni & de la Rocele,
De Saintes & de Tailleborc,
De Melans & de Treneborc,
Vin de Palme, vin de Piefence,
Vin d'Espaigne, vin de Provence,
De Montpellier & de Nerbone,
De Bediers & de Quarquaffonne,
De Moflac, de S. Melyon,
Vin d'Orchife & de S. Yon,
Vin d'Orliens & vin de Jargueil,
Vin de Meulent, vin d'Argentueil,
Vin de Soiffons, vin d'Auviler,
Vin d'Efpernai le Bachelier,
Vin de Sezane & de Samois,
Vin d'Anjou & de Gaftinois,
D'Yfoudun, de Chafstel Raoul
Et vin de **Trie la bardoul,**
Vin de Nevers, vin de Sancerre,
Vin de Verdelai, vin d'Auçuerre,
De Tornierre & de Flavingni,
De S. Porchain, de Savingni,
Vin de Chablies & de Biaune,
.j. vin qui n'est mie trop jaune ;
.....